

ЎЗБЕКИСТОН RESPUBLIKACI PREZIDENTINING
ҚАРОРИ**730 Тошкент вилояти Чирчиқ давлат педагогика инсти-
тутини ташкил этиш тўғрисида**

Бугунги кунда Тошкент вилояти халқ таълими тизимида жами 1348 та таълим муассасалари, жумладан 406 та мактабгача таълим муассасалари, 871 та умумий ўрта таълим мактаблари, 2 та Меҳрибонлик уйлари, 31 та болалар мусиқа ва санъат мактаблари, 19 та «Баркамол авлод» марказлари, 19 та болалар ва ўсмирлар спорт мактаблари фаолият кўрсатмоқда. Қабул қилинган давлат дастурлари доирасида мазкур таълим муассасаларининг самарадорлигини ошириш, уларни моддий-техник базасини мустаҳкамлаш бўйича тизимли ишлар амалга оширилмоқда.

Шу билан бирга, вилоятда мактабгача таълим тизимини янада такомиллаштириш, болаларни мактабга тайёрлаш даражасини тубдан яхшилаш, таълим-тарбия жараёнига замонавий таълим дастурларини татбиқ этиш, ёшларни ҳар томонлама интеллектуал, ахлоқий, эстетик ва жисмоний қобилиятларини ривожлантириш борасида таълим муассасаларини малакали педагог кадрлар билан таъминлаш йўналишларида қатор долзарб масалалар мавжуд.

Тошкент вилояти мактабгача, мактаб ва мактабдан ташқари таълим муассасаларининг тарбиячилар, бошланғич синф ўқитувчилари, айниқса аниқ фанлар ва чет тиллари бўйича ўқитувчиларга бўлган эҳтиёжларини қондириш, туманлар ва қишлоқ жойларидаги таълим муассасаларини юқори малакали педагог кадрлар билан таъминлаш ҳамда халқаро стандартлар даражасига мос олий маълумотли педагогик кадрлар тайёрлаш тизимини жойларда ташкил этишни янада такомиллаштириш ва таълим сифатини яхшилаш мақсадида:

1. Ўзбекистон Республикаси Халқ таълими, Олий ва ўрта махсус таълим, Иқтисодиёт ва Молия вазирликларининг таклифларига мувофиқ Халқ таълими вазирлиги таркибида Тошкент вилояти Чирчиқ давлат педагогика институти ташкил этилсин.

2. Тошкент вилояти Чирчиқ давлат педагогика институтининг асосий вазифалари этиб қуйидагилар белгилансин:

мактабгача, мактаб ва мактабдан ташқари таълим муассасалари учун юқори малакали ўқитувчиларни талаб даражасида сифатли тайёрлашни таъминлаш;

педагогик таълим соҳасини ривожлантиришнинг илмий-методик вазифаларини ҳал этишга, илғор хорижий педагогик технологияларни жорий этишга йўналтирилган илмий тадқиқотларни олиб бориш ва иқтидорли талаба-ёшларни илмий фаолият билан шуғулланишга кенг жалб этиш;

юртимизнинг педагогика фани бўйича қадимдан ривожланиб келган ютуқлари, хорижий мамлакатлар таълим муассасаларининг тажрибаси ва Тош-

кент вилояти туманлари таълим муассасалари талаб-эҳтиёжларини ҳисобга олган ҳолда тегишли йўналишлар ҳамда мутахассисликлар бўйича ўқув-услубий адабиётларни яратиш;

ўқув ва илмий лойиҳаларни амалга ошириш, таълим ва илмий изланишлар жараёнига мутахассисларни жалб этиш мақсадида педагогика соҳасидаги етакчи республика ва хорижий олий таълим муассасалари ва илмий марказлари билан ҳамкорлик алоқаларини ривожлантириш;

хорижий олий таълим муассасалари ва илмий марказларига ёш истикболли битирувчиларни магистратура ва докторантурага мунтазам юбориш орқали Институт илмий-педагогик салоҳиятини ошириб бориш.

3. Қўйидагилар:

Тошкент вилояти Чирчиқ давлат педагогика институтининг тузилмаси 1-иловага мувофиқ;

Тошкент вилояти Чирчиқ давлат педагогика институтини ташкил этиш, унинг моддий-техника базасини шакллантириш ва илмий-педагогик кадрлар билан таъминлаш чора-тадбирлари дастури 2-иловага мувофиқ тасдиқлансин.

Ўзбекистон Республикаси Халқ таълими вазирига, зарур ҳолларда, Тошкент вилояти Чирчиқ давлат педагогика институтининг тузилмасига ходимларнинг белгиланган нормативларга мувофиқ ўзгартиришлар киритиш ҳуқуқи берилсин.

Тошкент вилояти Чирчиқ давлат педагогика институтининг факультет ва кафедралари босқичма-босқич талабалар ва профессор-ўқитувчилар таркибига мувофиқ ўрнатилган тартибда шакллантириб борилсин.

4. Тошкент вилояти Чирчиқ давлат педагогика институтининг 2017/2018 ўқув йили учун қабул квоталари 3-иловага мувофиқ тасдиқлансин.

Ўзбекистон Республикаси Таълим муассасаларига ўқишга қабул қилиш бўйича Давлат комиссияси 2017/2018 ўқув йили учун Тошкент вилояти Чирчиқ давлат педагогика институтининг талабалари контингентини Тошкент вилоятида доимий яшаётган Тошкент давлат педагогика университети ва бошқа турдош олий таълим муассасаларига ҳужжат топшириб, мазкур таълим муассасаларига белгиланган тўлов-контракт квоталари доирасида ўқишга қабул қилинмаган мос ва турдош таълим йўналишлари абитуриентлари ҳисобидан, Тошкент вилояти туманлари таълим муассасалари эҳтиёжларини инобатга олган ҳолда шакллантирсин.

Тошкент вилояти Чирчиқ давлат педагогика институтига 2017/2018 ўқув йили учун талабалар ўқишга амалдаги базавий тўлов-контракт миқдори бўйича тасдиқланган квота доирасида қабул қилинсин.

5. Ўзбекистон Республикаси Тошкент вилояти Чирчиқ давлат педагогика институтида вилоятдаги мактабгача, мактаб ва мактабдан ташқари ва олий таълим муассасалари ҳамда педагог кадрларни қайта тайёрлаш ва малакасини ошириш институтининг таълим мазмунини такомиллаштириш бўйича фаолиятини Мувофиқлаштирувчи Кенгаш ташкил қилинсин. Мувофиқлаштирувчи Кенгаш таркиби Ўзбекистон Республикаси Халқ таълими вазирлиги томонидан тасдиқлансин.

Мувофиқлаштирувчи Кенгашнинг асосий вазифалари этиб, қуйидагилар белгилансин:

Тошкент вилоятидаги мактабгача, мактаб ва мактабдан ташқари таълим муассасалари учун педагог кадрлар тайёрлаш, шунингдек, педагогик кадрлар ва соҳа мутахассисларини қайта тайёрлаш ва малакасини ошириш муассасаларининг илмий-методик базаларини шакллантиришни мувофиқлаштириш ва ўқув-методик раҳбарликни амалга ошириш;

педагогика соҳасидаги талаб ва илғор хорижий тажриба, ўқув жараёнига замонавий педагогик ва ахборот-коммуникация технологияларини кенг жорий этишни ҳисобга олган ҳолда, вилоят таълим муассасаларида давлат таълим стандартлари, ўқув режа ва дастурларини тизимли равишда такомиллаштиришни амалга ошириш;

вилоятдаги педагогика соҳасида илмий-услубий ишлар, жумладан фундаментал, амалий ва инновацион илмий изланишлар олиб боришни мувофиқлаштириш;

вилоят таълим муассасалари илмий-педагогик салоҳиятини ошириш, жумладан олий малакали илмий ва илмий-педагогик кадрларни мақсадли тайёрлаш асосида, педагогика соҳасини ривожлантиришнинг стратегик вазифаларидан келиб чиққан ҳолда, вилоятдаги таълим муассасалари раҳбар ходимлари ва мутахассислари малакасини сифатли ошириш ва қайта тайёрлаш бўйича чора-тадбирларни амалга оширилишини таъминлаш.

6. Ўзбекистон Республикаси Фан ва технологиялар агентлиги Халқ таълими вазирлигининг таклифига асосланиб Тошкент вилояти Чирчиқ давлат педагогика институти учун таянч олий таълим муассасаларига докторантурага 2018 йил учун мақсадли квоталар ажратсин.

7. Ўзбекистон Республикаси Халқ таълими вазирлиги 2017 йил 1 сентябрда:

Тошкент вилояти Чирчиқ давлат педагогика институти (кейинги ўринларда — Институт) уставини тасдиқлаб, ўрнатилган тартибда давлат рўйхатидан ўтказсин;

Институт томонидан тасдиқланган штатлар жадвали ва харажатлар сметасини рўйхатдан ўтказсин;

республикани таълим ва илмий муассасаларининг тажрибали ходимлари, жумладан, Тошкент давлат педагогика университети ва бошқа таълим муассасаларининг профессор-ўқитувчилари таркибидан ўрнатилган тартибда Институтни юқори малакали профессор-ўқитувчилар билан таъминласин;

Институт таълим йўналишлари ўқув режаларига мувофиқ фанларни ўқув адабиётлари ва илмий-методик қўлланмалар билан ҳамда ўқув хоналарини замонавий лаборатория жиҳозлари ва компьютер техникаси билан таъминлаш чораларини кўрсин.

8. Ўзбекистон Республикаси Молия вазирлиги, Халқ таълими вазирлиги 2017/2018 ўқув йилидан бошлаб Институт учун зарур педагог кадрларни жалб қилиш учун соатбай асосида ҳақ тўлаш ва ўқув адабиётлари билан таъминланишини молиялаштиришнинг аниқ чораларини кўрсин.

9. Ўзбекистон Республикаси Халқ таълими вазирлиги, Тошкент вилоя-

ти ҳокимлиги ва Ўзбекистон Республикаси Олий ва ўрта махсус таълим вазирлигининг Тошкент кимё технология институти қошидаги Чирчиқ академик лицейига тегишли Чирчиқ шаҳар, Истикбол кўчаси, 2-А уй ва Чирчиқ ижтимоий-иқтисодиёт касб-ҳунар коллежига тегишли Чирчиқ шаҳар, Амир Темур кўчаси, 104-уйда жойлашган бинолари ва иншоотлари ҳудудлари билан Тошкент вилояти Чирчиқ давлат педагогика институтига оператив бошқариш ҳуқуқи билан бепул фойдаланишга бериш тўғрисидаги таклифи маъқуллансин.

Белгилаб қўйилсинки, Тошкент кимё технология институти қошидаги Чирчиқ академик лицейи ва Чирчиқ ижтимоий-иқтисодиёт касб-ҳунар коллежининг 2 ва 3 курс ўқувчилари битиргунларига қадар Тошкент вилояти Чирчиқ давлат педагогика институтининг биноларида ижара тўловисиз жойлашади.

10. Ўзбекистон Республикаси Президентининг «Истеъдод» жамғармаси хорижий давлатларнинг нуфузли университетлари ва илмий марказларида 2018 йилдан бошлаб Тошкент вилояти Чирчиқ давлат педагогика институти профессор-ўқитувчиларининг малакасини ошириш ишларини ташкил этсин.

11. Ўзбекистон Республикаси Иқтисодиёт вазирлиги ва Молия вазирлиги Ўзбекистон Республикаси Халқ таълими вазирлигининг асосланган ҳисоб-китоблари бўйича Ўзбекистон Республикаси Инвестиция дастурининг 2018 йилга ва кейинги йилларга параметрларини шакллантиришда Тошкент вилояти Чирчиқ давлат педагогика институти объектларини реконструкция қилиш, капитал таъмирлаш ва жиҳозлаш учун Ўзбекистон Республикаси Молия вазирлиги ҳузуридаги Бюджетдан ташқари таълим ва тиббиёт муассасаларининг моддий-техника базасини ривожлантириш жамғармаси ҳисобидан маблағлар ажратилишини назарда тутсин.

12. Белгилаб қўйилсинки, Тошкент вилояти Чирчиқ давлат педагогика институтини сақлаш харажатлари 2017 йилда «Маориф» соҳаси бўйича тасдиқланган бюджет параметрлари доирасида, 2018 йилдан бошлаб эса мазкур соҳага ҳар йили ажратиладиган маблағлар доирасида амалга оширилади.

13. Қўйидагилар Тошкент вилояти Чирчиқ давлат педагогика институтининг фаолиятини молиялаштириш манбалари этиб белгилансин:

Ўзбекистон Республикаси Давлат бюджети маблағлари;

хўжалик фаолиятдан ва шартнома асосида хизматлар кўрсатишдан тушадиган тушумлар;

жисмоний ва юридик шахсларнинг хомийлик хайриялари ва мақсадли бадаллари;

халқаро молия ташкилотларининг грантлари;

конун ҳужжатларида тақиқланмаган бошқа манбалар.

14. Ўзбекистон Республикаси Ахборот технологиялари ва коммуникацияларини ривожлантириш вазирлиги Халқ таълими вазирлиги билан биргаликда Тошкент вилояти Чирчиқ давлат педагогика институтини электрон таълим миллий тармоғига улаш чораларини кўрсин.

15. Ўзбекистон Республикаси Молия вазирлиги Тошкент вилояти Чир-

чиқ давлат педагогика институтига 2 та, шу жумладан 1 та хизмат, 1 та махсус енгил автотранспорт воситаси сақлашга лимит ажратсин.

16. Тошкент вилояти Чирчиқ давлат педагогика институтида Тошкент шахридан қатнаб ишловчи профессор-ўқитувчи ва ишчи ходимларга бориш келиши учун тегишли шароитлар ташкил этилсин.

17. Ўзбекистон Республикаси Халқ таълими вазирлиги манфаатдор вазирлик ва идоралар билан биргаликда бир ой муддатда:

қонун ҳужжатларига ушбу қарордан келиб чиқадиган ўзгартириш ва қўшимчалар тўғрисида Ўзбекистон Республикаси Вазирлар Маҳкамасига таклифлар киритсинлар;

ўзлари қабул қилган норматив-ҳуқуқий ҳужжатларини ушбу қарорга мувофиқлаштирсинлар.

18. Мазкур қарорнинг ижросини назорат қилиш Ўзбекистон Республикасининг Бош вазири А.Н. Арипов ва Ўзбекистон Республикаси Президентининг Давлат маслаҳатчиси А.Н. Юнусходжаев зиммасига юклансин.


**Ўзбекистон Республикаси
Президенти**

Ш. МИРЗИЁЕВ

Тошкент ш.,
2017 йил 27 июль,
ПҚ-3152-сон

Ўзбекистон Республикаси Президентининг
2017 йил 27 июлдаги ПҚ-3152-сон қарорига
1-ИЛОВА

Тошкент вилояти Чирчиқ давлат педагогика институтининг ТУЗИЛМАСИ



* Институт (факультетлар, кафедралар ва бошқа таркибий бўлинмалар) ходимларининг чекланган умумий сони олий таълим муассасалари учун белгиланган нормативларга мувофиқ аниқланади.

**Тошкент вилояти Чирчиқ давлат педагогика институтини ташкил этиш, унинг моддий-техника базасини
шакллантириш ва илмий-педагогик кадрлар билан таъминлаш чора-тадбирлари
ДАСТУРИ**

Т/р	Тадбирлар мазмуни	Бажариш муддатлари	Молиялаштириш манбалари	Бажариш учун масъуллар
I. Тошкент вилояти Чирчиқ давлат педагогика институти фаолиятини ташкил этиш				
1.	Тошкент вилояти Чирчиқ давлат педагогика институтини (кейинги ўринларда — Институт) ўрнатилган тартибда давлат рўйхатидан ўтказиш.	2017 йил август	-	Тошкент вилояти ҳокимлиги, Халқ таълими вазирлиги, Тошкент вилояти Чирчиқ давлат педагогика институти
2.	Институтнинг штаблар жадвали ва харажатлари сметасини тузиш тасдиқлаш ва рўйхатдан ўтказиш.	2017 йил август	-	Халқ таълими вазирлиги, Тошкент вилояти Чирчиқ давлат педагогика институти
3.	Институтни юқори малакали раҳбар кадрлар билан таъминлаш.	2017 йил август	-	Халқ таълими вазирлиги, Олий ва ўрта махсус таълим вазирлиги, Тошкент вилояти Чирчиқ давлат педагогика институти
4.	Институт хузурида вилоят таълим муассасаларининг таълим мазмунини такомиллаштириш бўйича фаолиятини Мувофиқлаштирувчи Кенгаш ташкил қилиш.	2017 йил октябрь	-	Халқ таълими вазирлиги
5.	Институт профессор-ўқитувчиларнинг илмий салоҳиятини ошириш мақсадида республиканинг бошқа ҳудудларидан таклиф этилган олим ва мутахассисларни турар жой билан таъминлаш мақсадида Тошкент вилояти, жумладан Чирчиқ шаҳрида қурилаётган арзон уй жойлардан имтиёзли шартлар асосида эҳтиёжлардан келиб чиқиб ажратиш.	2017 — 2020 йиллар	Тижорат банкларининг имтиёзли кредитлари	Тошкент вилояти ҳокимлиги, Чирчиқ шаҳар ҳокимлиги
II. Тошкент вилояти Чирчиқ давлат педагогика институти нинг моддий-техника базасини шакллантириш ва мустаҳкамлаш				
6.	Институтга ажратилган Тошкент кимё технология институти қошидаги Чирчиқ академик лицейи (Чирчиқ шаҳар, Истиқбол кўчаси, 2-А уй) ва Чирчиқ ижтимоий-иқтисодий касб-хунар коллежи (Чирчиқ шаҳар, Амир Темур кўчаси, 104-уй манзиллари)даги бинолар ва иншоотларда капитал таъмирлаш, реконструкция қилиш ва жиҳозлаш ишларини амалга ошириш.	2018 йилдан бошлаб	Молия вазирлиги хузуридаги Бюджетдан ташқари таълим ва тиббиёт муассасаларининг моддий-техника базасини ривожлантириш жамғармаси маблағлари	Халқ таълими вазирлиги, Тошкент вилояти ҳокимлиги, Молия вазирлиги

Т/р	Тадбирлар мазмуни	Бажариш мўддатлари	Молиялаштириш манбалари	Бажариш учун масъуллар
7.	Институт таълим йўналишлари (мутахассисликлари)га мос замонавий ўқув лаборатория базасини ташкил этиш.	2018 йил	Молия вазирлиги ҳузуридаги Бюджетдан ташқари таълим ва тиббиёт муассасаларининг моддий-техника базасини ривожлантириш жамғармаси маблағлари	Халқ таълими вазирлиги, Тошкент вилояти ҳокимлиги, Молия вазирлиги
8	Институтни электрон таълим миллий тармоғига улаш чораларини кўриш	2017 йил октябрь	Ахборот технологиялари ва коммуникацияларини ривожлантириш вазирлиги маблағлари	Ахборот технологиялари ва коммуникацияларини ривожлантириш вазирлиги, Халқ таълими вазирлиги
III. Тошкент вилояти Чирчиқ давлат педагогика институтининг ўқув-методик ва педагогик кадрлар билан таъминлаш				
9.	Институтнинг таълим йўналишларини (мутахассисликларини) тасдиқланган ўқув режалари ва фанлар дастурлари ҳамда тегишли норматив-ҳуқуқий ҳужжатлар билан таъминлаш.	2017 йил август	-	Олий ва ўрта махсус таълим вазирлиги, Тошкент давлат педагогика университети, Тошкент вилояти Чирчиқ давлат педагогика институти
10.	Институтда махсус фанлар бўйича машғулотлар олиб боришга жалб қилиш учун Тошкент давлат педагогика университети ва таълим муассасаларидан малакали педагог кадрлар таркибини шакллантириш.	2017 йил август	-	Халқ таълими вазирлиги, Олий ва ўрта махсус таълим вазирлиги, Тошкент вилояти Чирчиқ давлат педагогика институти
11.	Институтни ўқув-методик адабиётлар, ахборот материаллари (шу жумладан уларнинг электрон вариантлари), махсус даврий нашрлар билан таъминлаш. Институтнинг ахборот-ресурс маркази фаолиятини ташкил этиш.	2017 йил октябрь	Институтнинг бюджет ва бюджетдан ташқари маблағлари, Олий таълим муассасаларини ривожлантириш жамғармаси маблағлари	Халқ таълими вазирлиги, Тошкент давлат педагогика университети, Тошкент вилояти Чирчиқ давлат педагогика институти
12.	Ўзбекистон миллий ва Тошкент давлат педагогика университетлари профессор-ўқитувчилари томонидан маърузалар ўқиш учун Институтда масофадан ўқитиш элементларини жорий этиш учун техник, дастурий ва методик шарт-шароитлар яратиш.	2018 йил декабрь	Институтнинг бюджет ва бюджетдан ташқари маблағлари, Олий таълим муассасаларини ривожлантириш жамғармаси маблағлари	Халқ таълими вазирлиги, Тошкент вилояти Чирчиқ давлат педагогика институти, Ўзбекистон миллий ва Тошкент давлат педагогика университетлари
13.	Институт кафедраларининг илмий тадқиқотлари йўналишларини белгилаш, грантлар жалб этишни ва хўжалик шартномаларини бажаришни ташкил этиш.	2018 — 2023 йиллар	Давлат грантлари ва хўжалик шартномалари бўйича тушган маблағлар	Халқ таълими вазирлиги, Тошкент вилояти Чирчиқ давлат педагогика институти
14.	Тошкент вилоятининг етакчи таълим муассасалари, корхоналари ва ташкилотлари билан бирга қўшма илмий-тадқиқот ва илмий-методик ишланмаларни ташкил этиш.	2018 йилдан бошлаб	-	Халқ таълими вазирлиги, Фанлар академияси, Тошкент вилояти Чирчиқ давлат педагогика институти
15.	Институт профессор-ўқитувчиларини Тошкент давлат педагогика университети қошидаги тармоқ марказида ва чет эл олий таълим муассасаларида малака ва тажриба орттиришларини ташкил этиш.	2018 йилдан бошлаб	Институтнинг бюджет ва бюджетдан ташқари маблағлари, «Истеъдод» жамғармаси маблағлари	Халқ таълими вазирлиги, Тошкент вилояти Чирчиқ давлат педагогика институти, «Истеъдод» жамғармаси

Т/р	Тадбирлар мазмуни	Бажариш муддатлари	Молиялаштириш манбалари	Бажариш учун масъуллар
16.	Ахборотлар, тўпланган тажриба ва мутахассисларнинг кенг алмашинувини таъминлаш. Институтда маърузалар ва махсус машгулотларни ўтказиш учун етакчи республика ва хорижий таълим ва илмий муассасаларнинг юқори малакали олимларини таклиф этиш.	Доимий равишда	Бажарувчилар ва ҳомийлар маблағлари, халқаро ташкилотлар, хорижий таълим ва илмий муассасаларнинг грантлари	Халқ таълими вазирлиги, Тошкент вилояти Чирчиқ давлат педагогика институти
17.	Институтини электрон таълим миллий тармоғига улаш чораларини кўриш	2017 йил октябрь	Ахборот технологиялари ва коммуникацияларини ривожлантириш вазирлиги маблағлари	Ахборот технологиялари ва коммуникацияларини ривожлантириш вазирлиги, Халқ таълими вазирлиги

Ўзбекистон Республикаси
Президентининг 2017 йил 27 июлдаги
ПҚ–3152-сон қарорига
3-ИЛОВА

**Тошкент вилояти Чирчиқ давлат педагогика институтининг
2017-2018 ўқув йили учун
ҚАБУЛ КВОТАЛАРИ**

Т/р	Йўналиш шифри	Йўналиш номи	Қабул режаси (тўлов-контракт асосида)		
			жами	ўзбек	рус
ЖАМИ:			750	515	235
1.	5110100	Математика ўқитиш методикаси	45	30	15
2.	5110200	Физика ва астрономия ўқитиш методикаси	45	30	15
3.	5110300	Кимё ўқитиш методикаси	40	25	15
4.	5110400	Биология ўқитиш методикаси	40	25	15
5.	5110500	География ўқитиш методикаси	25	25	
6.	5110600	Тарих ўқитиш методикаси	40	25	15
7.	5110700	Информатика ўқитиш методикаси	45	30	15
8.	5110800	Тасвирий санъат ва муҳандислик графикаси	25	25	
9.	5110900	Педагогика ва психология	40	25	15
10.	5111100	Муסיқа таълими	25	25	
11.	5111200	Ўзбек тили ва адабиёти	30	30	
12.	5111300	Она тили ва адабиёти:			
	5111301	Рус тили ва адабиёти	25		25
	5111306	Рус тили ва адабиёти (ўзга тили гуруҳларда)	25		25
13.	5111400	Хорижий тил ва адабиёти:			
	5111400	Инглиз тили ва адабиёти	60	40	20
14.	5111600	Миллий гоё; маънавият асослари ва ҳуқуқ таълими	30	30	
15.	5111700	Бошланғич таълим ва спорт-тарбиявий иш	80	50	30
16.	5111800	Мактабгача таълим	40	25	15
17.	5112000	Жисмоний маданият	40	40	
	5112001	шу жумладан, хотин-қизлар спорти йўналиши бўйича	10	10	
18.	5112100	Меҳнат таълими	40	25	15